

НЭГДҮГЭЭР ХЭСЭГ

САНАМЖ: Нэгдүгээр хэсэг нь 50 сонгох даалгавартай. Нийт 76 оноотой. Даалгавар тус бүр 5 хариулттай. Тэдгээрээс зөвхөн нэг зөв хариултыг сонгож, хариултын хуудсанд будаж тэмдэглээрэй. **Хариултын хуудасны заавартай сайтар танилцаарай. Амжилт хүсье!**

- Дараах шинжүүдийг агуулсан организмын харгалзах хүрээг сонгоно уу. [1 оноо]
 - Бие нь цацраг тэгш хэмтэй
 - Харвагч (халгай) эс бүхий тэмтрүүлүүдтэй
 - Оруулах болон гаргах нэгдсэн нэг амсар бүхий хөндийтэй
 - Торлосон мэдрэлийн тогтолцоотой

A. Хөвөн биетэн C. Хөндий биетэн E. Дугариг хорхой
B. Зөөлөн биетэн D. Хавтгай хорхой
- Ranunculus repens* болон *Hypericum repens* гэх ургамлууд нь хоёулаа шар өнгийн цэцэгтэй байв. Дараахаас аль нь эдгээр ургамлуудыг зөв тодорхойлсон байна вэ? [1 оноо]

A. Тэд хоёулаа цэцэгт ургамал
B. Тэд хоёулаа шилмүүст ургамал
C. Тэд хоёулаа нэг зүйлийн ургамлууд
D. Тэд хоёулаа нэг төрөлд хамаарагдана
E. Тэд хоёулаа нэг овогт хамаарагдана
- Цоохор ирвэс (*Panthera pardus*) нь *Panthera* төрөлд хамаарах зүйлүүдийн нэг юм. Энэ төрөлд хамаарах амьтад нь муурын овог (Felidae) болон махан идэштэний баг (Carnivora)-т хамаарагдана. Тэгвэл, *Panthera pardus*-ийн ангилалзүйн хамгийн том нэгжийг өгөгдсөн хариултуудаас сонгоно уу. [1 оноо]


A. *Panthera*
B. *Pardus*
C. Хөхтөн
D. Муурынхан
E. Махан идэштэн
- Гадаад тулгуур (экзоскелет)-тай, үет хөлтэй амьтад нь амьтны аймгийн хамгийн баялаг хүрээг үүсгэнэ. Тэдгээрийг тодорхой шинжүүдэд нь үндэслэн 4 ангид хуваадаг байна. Доорх хүснэгтээс хавч хэлбэртний ангийн шинжүүдийг зөв тодорхойлсон мөрийг сонгоно уу. [2 оноо]

	Хөлний тоо			Амьсгал		Биеийн сегмент	
	3 хос	4 хос	5 хос	заламгайгаар	трахейгээр	Толгой-цээж, хэвлий	Толгой, цээж, хэвлий
A	✖	✖	✓	✓	✖	✓	✖
B	✖	✓	✖	✖	✓	✓	✖
C	✖	✖	✓	✖	✓	✓	✖
D	✓	✖	✖	✖	✓	✖	✓
E	✖	✖	✓	✓	✖	✖	✓

Тэмдэглэгээ: ✓=Байна, ✗=Байхгүй



5. Гурван өөр ангилалзүйн бүлэгт хамаарах ургамлуудын шинжүүдийг венийн диаграммаар харуулав.



R, S, T үсгээр тэмдэглэсэн ургамлуудыг тодорхойлно уу.

[2 оноо]


	R	S	T
A	Хөвд хэлбэртэн	Ойм хэлбэртэн	Далд үртэн
B	Хөвд хэлбэртэн	Далд үртэн	Нүцгэн үртэн
C	Ойм хэлбэртэн	Нүцгэн үртэн	Далд үртэн
D	Хөвд хэлбэртэн	Ойм хэлбэртэн	Нүцгэн үртэн
E	Ойм хэлбэртэн	Нүцгэн үртэн	Хөвд хэлбэртэн

6. Дараах хоёр салаалсан (дихотом) түлхүүр ашиглан А-Е үсгээр тэмдэглэсэн организмуудаас хоёр нутагтанг сонгоно уу.

[2 оноо]

- 1 а. Сэлүүртэй, заламгайтай, хоёр тасалгаат зүрхтэй А
- 1 б. Сэлүүргүй, зүрх нь хоёроос дээш тооны тасалгаатай 2 руу шилжинэ үү
- 2 а. Зүрх нь гурван тасалгаатай, ус ба хуурай газар сэлгэн амьдардаг В
- 2 б. Заламгайгүй, уушгиар бүрэн амьсгалалт явуулна 3 руу шилжинэ үү
- 3 а. Бие нь хуурай хайрсаар бүрхэгдсэн, өндөг юмуу амьд зулзага төрүүлдэг С
- 3 б. Биеийн температур тогтмол, дөрвөн мөчтэй 4 рүү шилжинэ үү
- 4 а. Бие нь өд сөдөөр бүрхэгдсэн, хатуу бүрхүүлтэй өндөг төрүүлнэ D
- 4 б. Бие нь үс ноосоор бүрхэгдсэн, амьд зулзага төрүүлнэ E


7. Ургамлын эсийн гэрлийн микроскопоор авсан зургийг доор байрлуулав. Эсийн гадна талаар хучих ба эсрүү орох болон гарах бодисуудыг сонгон нэвтрүүлэх үүрэгтэй бүтцийг сонгоно уу. [1 оноо]



8. Дараахаас аль нь эукариот эсийн хувьд үнэн вэ? [2 оноо]

	Эсийн хана	Эсийн хэмжээ	Рибосом
A	Целлюлоз (эслэг)	1-5 мкм	70S
B	Целлюлоз (эслэг)	5-40 мкм	70S болон 80S
C	Пептидогликан (муреин)	1-5 мкм	70S
D	Пептидогликан (муреин)	5-40 мкм	70S болон 80S
E	Хитин	1-5 мкм	70S


9. Зурагт эсийн гадаргуугийн мембранаар ионуудын шилжилтийг үзүүлжээ. Эсийн дотор талд калийн ионы (K^+) концентраци их, натрийн ионы (Na^+) концентраци бага бол эсийн гадна талд эсрэгээрээ натрийн ионы (Na^+) концентраци их, калийн ионы (K^+) концентраци бага байдаг. Энд үзүүлсэн зөөгч уураг нь Na^+ болон K^+ ионы концентрацийн эсрэг шахуургын үүрэгтэй.



- Натрийн ионы шилжилтийг аль сумаар харуулсан байна вэ? [2 оноо]

	Na^+ ионы идэвхитэй зөөвөрлөлт	Na^+ ионы диффуз
A	4	3
B	2	4
C	3	2
D	1	2
E	2	1

10. Гурван өөр нөхцөлд энзимт урвалын хурдыг хэмжихэд гарсан үр дүнг графикт үзүүлэв.




- Y бодис болон түүний урвалын дээд хурд (V_{max})-д үзүүлэх нөлөөг зөв тодорхойлсон хариуг сонгоно уу. [2 оноо]

	Y бодис	Идэвхитэй төвтэй холбогддог эсэх	Урвалын дээд хурд (V_{max})
A	Өрсөлдөөнт бус саатуулагч	холбогдоно	өөрчлөгдөхгүй
B	Өрсөлдөөнт саатуулагч	холбогдоно	өөрчлөгдөхгүй
C	Өрсөлдөөнт бус саатуулагч	холбогдохгүй	өөрчлөгдөнө
D	Өрсөлдөөнт саатуулагч	холбогдоно	өөрчлөгдөнө
E	Өрсөлдөөнт бус саатуулагч	холбогдохгүй	өөрчлөгдөхгүй



11. Зурагт амьд эсэд энерги нөөцлөхөд чухал үүрэгтэй нэгэн молекулын бүтэц өгөгджээ.



Энэхүү молекул гидролизийн урвалаар бүрэн задрахад үүсэх бүтээгдэхүүн бодисуудыг сонгоно уу.

[2 оноо]

	Глицерол	Ханасан тосны хүчил	Ханаагүй тосны хүчил
A	2	2	1
B	1	1	1
C	1	2	1
D	1	1	2
E	2	1	1

12. Дөрвөн төрлийн сахарын уусмалыг Бенедиктийн уусмал ашиглан шалгаж үзэв. Туршилтын төгсгөлд илэрсэн өнгөнүүдийг хүснэгтэд жагсаав.

Уусмал	Илэрсэн өнгө
1	Шар
2	Ногоон
3	Цэнхэр
4	Тоосгон улаан

Туршилтын үр дүнтэй хамгийн сайн тохирох хариултыг сонгоно уу.

[2 оноо]

	1-р уусмал	2-р уусмал	3-р уусмал	4-р уусмал
A	0.5% ангижруулагч сахар	1.0% ангижруулагч сахар	1.0% ангижруулагч бус сахар	1.5% ангижруулагч сахар
B	0.05% ангижруулагч сахар	0.1% ангижруулагч сахар	1.0% ангижруулагч сахар	0.5% ангижруулагч сахар
C	0.1% ангижруулагч сахар	0.05% ангижруулагч бус сахар	0.5% ангижруулагч сахар	1.0% ангижруулагч сахар
D	1.5% ангижруулагч сахар	1.0% ангижруулагч бус сахар	1.5% ангижруулагч сахар	1.0% ангижруулагч бус сахар
E	0.1% ангижруулагч сахар	0.05% ангижруулагч сахар	0.5% ангижруулагч бус сахар	1.0% ангижруулагч сахар


13. Ургамлын дараах эсүүдээс бөөмгүй, үхсэн эсийг сонгоно уу.

[1 оноо]

- A. Дагуул эс
- B. Мезофилл эс
- C. Паренхим эс
- D. Шигшүүрт гуурс
- E. Ксилемийн гуурс



14. Флоэмээр бодис зөөвөрлөгдөхөд оролцдог зарим бүтцүүдийг зурагт харуулав.




Аль нь зөв бэ?

[1 оноо]

- A. Флоэмийн шигшүүрт гуурсаар сахарозын молекулууд Z эс рүү зөөвөрлөгдөнө
- B. Z эсэд хүрсэн органик молекулууд сахароз хэлбэрээр тэндээ нөөцлөгдөнө
- C. Флоэмийн шигшүүрт гуурсаар бодисууд ямарч энерги зарцуулахгүйгээр зөөвөрлөгдөнө.
- D. Ү эс нь глюкозын молекулуудыг дагуул эсээр дамжуулан шигшүүрт гуурсад хүргэнэ
- E. Ү эс бол үндэсний эс юм

15. Хос үрийн талт ургамлын эрхтэнүүдийн хөндлөн огтлолыг харуулав.




Ургамлын эрхтэнүүдийн ксилемийн эдийг зөв сонгоно уу.

[2 оноо]

	Навч	Иш	Үндэс
A	1	4	5
B	1	4	6
C	2	3	5
D	1	3	6
E	2	4	5

16. Дараах судаснууд хооронд цусны урсгалын хурдны өөрчлөлтийг зөв харуулсан мөрийг сонгоно уу.

[2 оноо]




	1	2	3	4
A	буурна	буурна	өснө	өснө
B	өснө	буурна	өснө	буурна
C	буурна	өснө	буурна	өснө
D	өснө	өснө	өснө	өснө
E	буурна	буурна	буурна	буурна



17. Бидний цус бүх биеэр бүтэн эргэлдэхдээ зүрхээр хоёр удаа дайрч өнгөрдөг тул давхар эргэлттэй гэж үздэг. Тэгвэл, их эргэлтийн цусны урсгалыг зүрхний хавхлагуудын хамт аль нь зөв тодорхойлсон байна вэ? [2 оноо]

- A. Зүүн тосгуур → гол судасны хагас саран хавхлага → гол судас → биеийн хялгасан судас → дээд болон доод хөндийн вен → баруун тосгуур
- B. Зүүн ховдол → гол судасны хагас саран хавхлага → гол судас → биеийн хялгасан судас → дээд болон доод хөндийн вен → баруун тосгуур
- C. Зүүн ховдол → гол судасны хагас саран хавхлага → гол судас → биеийн хялгасан судас → дээд болон доод хөндийн вен → баруун ховдол
- D. Зүүн ховдол → гол судасны хагас саран хавхлага → уушгины артери → биеийн хялгасан судас → уушгины вен → баруун тосгуур
- E. Зүүн ховдол → уушгины хагас саран хавхлага → гол судас → биеийн хялгасан судас → дээд болон доод хөндийн вен → баруун тосгуур

18. Зүрхний мөчлөг нь тосгуурын систол, ховдлын систол, диастол гэсэн дарааллаар явагдана. Энд өгөгдсөн графикт хүний зүрхний зүүн талын даралтын өөрчлөлтүүдийг зүрхний хоёр мөчлөгийн туршид харуулав.



Зургийн мэдээлэлтэй сайтар танилцаад тосгуур-ховдлын (митраль) хавхлагын үйл ажиллагааг үнэлнэ үү. [2 оноо]

	Тосгуур-ховдлын хавхлага хаагдана	Тосгуур-ховдлын хавхлага нээгдэнэ
A	I	IV
B	II	III
C	I	II
D	II	IV
E	III	IV

19. Амьсгалын зам нь агаар дамжуулах болон хийн солилцоо хийгдэх гэсэн хоёр хэсгээс тогтоно. Тэгвэл, дараах бүтцүүдийн аль нь хийн солилцоо хийгдэх хэсэгт байх вэ? [1 оноо]

- A. Сормууст эс
- B. Хундган эс
- C. Уян ширхэгтэй цулцан
- D. Гөлгөр булчин
- E. Мөгөөрс



20. Утаат тамхинаас ялгарах ямар бодис нь улаан эсийн гемоглобины хүчилтөрөгч зөөвөрлөх чадварыг бууруулах вэ? [1 оноо]

- A. Тамхины бохь
B. Карциноген
C. Никотин


- D. Нүүрсний дан исэл
E. Нүүрсний давхар исэл

21. Амьсгалын тогтолцооны бүтцүүдийг зөв дүрсэлсэн эгнээг сонгоно уу. [2 оноо]

	Амьсгалын тогтолцооны хэсгүүд	Мөгөөрс	Сормууст хучуур эсүүд	Хундган эс	Гөлгөр булчингийн эс
A	Залгиур хоолой	✓	✗	✓	✓
B	Гуурсан хоолой	✗	✓	✓	✓
C	Мөгөөрсөн хоолой	✓	✓	✓	✓
D	Бронхиол	✓	✓	✗	✗
E	Цулцан	✗	✓	✗	✗

Тэмдэглэгээ: ✓=Байна, ✗=Байхгүй

22. Цусанд нүүрсхүчлийн хий (CO_2) зөөвөрлөгдөх механизмыг диаграммаар харуулав.



Нүүрсний ангидраза, нүүрсний хүчил, бикарбонатын ионуудыг тодорхойлно уу. [2 оноо]

	Нүүрсний ангидраза	Нүүрсний хүчил	Бикарбонатын ион
A	2	1	3
B	2	3	1
C	3	2	1
D	1	3	2
E	1	2	3


23. Шээг ямар эрхтэнд амингүйжих урвалаар үүсдэг вэ? [1 оноо]

- A. Бөөр
B. Дэлүү

- C. Уушиг
D. Зүрх

- E. Элэг


24. Бөөрний бүтэц үйл ажиллагааны үндсэн нэгж болох нефроны аль хэсэгт нь зөвхөн ус болон NaCl -ийн эргэн шимэгдэлт явагдах вэ? [2 оноо]



25. Гадаад болон дотоод шүүрлийн хос үүрэгтэй булчирхайг сонгоно уу. [1 оноо]

- A. Өнчин тархины өмнөд хэлтэр
- B. Бамбай булчирхай
- C. Бөөрний дээд булчирхай
- D. Нойр булчирхай
- E. Боргоцой булчирхай

26. Дараах зурагт үзүүлсэн рефлексийн нумаас мэдрэхүйн нейроныг сонгоно уу. [1 оноо]



27. Зарим халдварт өвчнүүдийн нас баралтын 2002 оны дэлхийн мэдээг хүснэгтэд өгөв.

Нас баралтын шалтгаан	Нас баралтын тоо (сая-аар)	Нийт нас баралтад эзлэх хувь(%)
ДОХ/ХДХВ	2.8	4.4
Сүрьеэ	1.6	2.7
Улаан бурхан	0.6	1.1

Хүснэгтээс харвал 2002 онд вирусн халдвараар хичнээн сая хүн нас барсан байна вэ? [2 оноо]

- A. 1.6
- B. 2.2
- C. 2.8
- D. 3.4
- E. 0.6

28. Гаднаас халдварласан бичил биетний эсрэг дархлааны анхдагч хамгаалалт юу вэ? [1 оноо]

- A. Эсрэг бие нийлэгжүүлэх
- B. Эсрэг төрөгч нийлэгжүүлэх
- C. Арьс салстын давхраа бичил биетнүүдийг оруулахгүй хамгаалах
- D. Т туслагч эсүүд В лимфоцитийг идэвхижүүлэх
- E. Эсрэг төрөгч илчлэх

29. Идэвхгүй дархлааг аль нь зөв тодорхойлсон байна вэ? [2 оноо]


	Биед антиген орно	Дархлааны хариу урвал өрнөнө	Санамжийн эс үүснэ
A	✓	✓	✓
B	✓	✓	✗
C	✗	✗	✗
D	✓	✗	✓
E	✗	✓	✓

Тэмдэглэгээ: ✓=Тийм, ✗=Үгүй



30. Зурагт үзүүлсэн эсэд хичнээн хроматид байна вэ?

[1 оноо]



- A. 2
- B. 3
- C. 4
- D. 0
- E. Тодорхойлох боломжгүй

31. Митоз хуваагдлын ямар шатанд хроматидуудын салалт явагдах вэ?

[1 оноо]

- A. Анафаз
- B. Профаз
- C. Прометафаз
- D. Телофаз
- E. Метафаз

32. Сурагч сонгины үндэсний хуваагдах бүсээс дээж бэлтгэн түүний эсүүдийг микро스코поор судлан дараах мэдээллийг цуглуулав.

Эсийн мөчлөгийн үе шат	Эсүүдийн тоо
Интерфаз	886
Профаз	73
Метафаз	16
Анафаз	14
Телофаз	11

Дээжний хос хроматидүүдээс тогтсон хромосом бүхий эсүүдийн тоог олно уу.

[2 оноо]

- A. 886
- B. 25
- C. 14
- D. 89
- E. 73

33. ДНХ молекулын азотлог сууриудын хувьд аль нь үнэн вэ?

[1 оноо]

- A. Тимин бол пурины суурь
- B. Гуанин бол примидиний суурь
- C. Цитозин бол пурины суурь
- D. Аденин бол пурины суурь
- E. Урацил бол примидиний суурь


34. Нуклейн хүчлийн дөрвөн дээжийн азотлог сууриудын эзлэх хувийг хүснэгтэд харуулав. Дээж 3-д зөвхөн РНХ молекул байгаа бол аль суурь нь аденин вэ?

[1 оноо]

	Дээж 1	Дээж 2	Дээж 3	Дээж 4
A	30	24	0	33
B	31	23	25	32
C	19	27	25	17
D	19	26	25	18
E	0	0	25	0



35. Хэвийн хүнхэр хэлбэртэй улаан эсэд агуулагдах гемоглобин уургийн β -гинжийг тодорхойлогч ДНХ-ийн дарааллын тодорхой хэсэг өгөгдөв.



Хэвийн улаан эс

5'- А Ц Т Ц Ц Т Г А Г Г А Г - 3'
3'- Т Г А Г Г А Ц Т Ц Ц Т Ц - 5'

Зарим аминхүчлийн кодоны мэдээлэл

Аминхүчлүүд	мРНХ кодон
Валин	ГУА, ГУГ, ГУЦ, ГУУ
Пролин	ЦЦА, ЦЦГ, ЦЦЦ, ЦЦУ
Треонин	АЦА, АЦГ, АЦЦ, АЦУ
Глутамат	ГАА, ГАГ

Хүснэгтэд өгсөн мРНХ-ийн кодоны мэдээллийг ашиглан β -гинжний аминхүчлийн дарааллын хэсгийг тодорхойлно уу. [2 оноо]

- A. Треонин – пролин – валин – глутамат
- B. Треонин – валин – глутамат – глутамат
- C. Треонин – глутамат – валин – глутамат
- D. Треонин – пролин – глутамат – глутамат
- E. Треонин – глутамат – пролин – глутамат

36. Зориудын шалгарлын жишээг сонгоно уу.

[1 оноо]

- A. Амьтны хүрээлэнд байгаа амьтад
- B. Сээр нуруутан амьтдын таван хуруут мөч
- C. Зэрлэг тахианаас үүссэн янз бүрийн өндөглөгч тахианы үүлдрүүд
- D. Метициллин антибиотикт тэсвэртэй болсон бактерийн шинэ омог
- E. Эртний үлэг гүрвэлүүдийн чулуужсан олдвор

37. Байгалийн шалгарлын механизмыг доор дүрслэв.

- I. Хүрээлэн буй орчны тэтгэх даацаас олон тооны үр удам төрүүлнэ
- II. Нэг үе удмаас дараагийн үед шилжихэд зүйлийн доторх зарим шинжүүд аажим өөрчлөгдөнө
- III. Зөвхөн хамгийн сайн дасан зохицсон организмууд мэнд үлдэж өөрийн генийг үр удамдаа дамжуулна
- IV. Зүйлийн зарим организмууд мэнд үлдэхийн төлөөх тэмцэлд бусдаасаа илүү давуу шинжтэй байна

Байгалийн шалгарлын үйл явцыг зөв дараалалд оруулна уу.

[2 оноо]

- A. II $\rightarrow$ IV $\rightarrow$ I $\rightarrow$ III
- B. II $\rightarrow$ I $\rightarrow$ IV $\rightarrow$ III
- C. I $\rightarrow$ IV $\rightarrow$ III $\rightarrow$ II
- D. I $\rightarrow$ II $\rightarrow$ III $\rightarrow$ IV
- E. III $\rightarrow$ I $\rightarrow$ IV $\rightarrow$ II



38. Дөрвөн өөр организмын нэгэн уургийг кодлогч генийн тодорхой хэсгийн азотлог суурийн дараалал өгөгдөв. Генийн азотлог суурийн дараалалд өөрчлөлт гарсан (мутаци илэрсэн) байрлалуудыг дөрвөлжин хайрцган дотор үзүүлэв.

1-р зүйл: Т А Т А Г Ц Т А Ц Г Г А Т Г Г Ц Т
 2-р зүйл: Т А Т А Ц А Т Ц Ц Г Г Т А А Г Ц Т
 3-р зүйл: Т А Т А Г А Т Ц Ц Г Г Т А Г Г Ц Т
 4-р зүйл: Т А Т А Ц Ц Т Ц Ц Г Г Т А А Г Ц Т

Өгөгдсөн мэдээлэлд үндэслэн дээрх дөрвөн зүйлийн хоорондох эволюцийн холбоо хамаарлыг дүгнэж хамгийн ойрын хамааралтай хоёр зүйлийг тодорхойлно уу. [2 оноо]

- A. 2 болон 4-р зүйл
 B. 2 болон 3-р зүйл
 C. 1 болон 2-р зүйл
 D. 1 болон 3-р зүйл
 E. 3 болон 4-р зүйл

39. Хэвийн бэлгийн эс (гамет)-д илрэх генотипийг сонгоно уу.

[1 оноо]

- A. MN C. mNkk E. KNh
 B. Mm D. KHK

40. Цистик фиброз бол уушги болон биеийн бусад салст давхаргуудад өтгөн зузаан салс үүсч хуримтлагддаг удамшлын өвчин юм. Энэхүү өвчин болон АВО цусны бүлгийг хариуцсан генүүд нь гомолог бус хромосомууд дээр байрладаг тул хоорондоо холбоогүй удамшина. Эцэг эхийн нэг нь О бүлгийн цустай, нөгөө нь АВ бүлгийн цустай бөгөөд хоёулаа цистик фиброз өвчнийг хариуцсан генээр гетерозигот эрүүл хүмүүс байсан бол тэдний хүүхэд В бүлгийн цустай, цистик фиброз өвчинтэй төрөх магадлалыг тооцно уу. [2 оноо]

- A. 100%
 B. 75%
 C. 50%
 D. 25%
 E. 12.5%

41. Нэгэн үүлдрийн нохойны үсний өнгөний янз бүрийн шинжүүд нь зөвхөн ганц генээр бус, ялгаатай генүүдийн харилцан үйлчлэлээр тодорхойлогдоно.

- Доминант “Е” аллель бор үстэй байх шинжийг, рецессив “е” аллель улаан үстэй байх шинжийг кодолно
- Үсний өнгөний эрчим нь өөр генээр тодорхойлогдох бөгөөд доминант “В” генийн нөлөөгөөр үсний өнгө илүү тод бараан болох бол рецессив “b” генийн нөлөөгөөр цайвар болно.


Бараан бор үстэй болон цайвар улаан үстэй нохойнуудыг хооронд нь эрлийзжүүлэхэд төрөх үр удмын дотор цайвар бор үстэй гөлөгний генотип ямар байх вэ? [2 оноо]

- A. eeBb C. Eebb E. EEbb
 B. EeBb D. eebb



42. Дараахаас аль нь полимеразийн гинжин урвал (ПГУ)-ыг дүрсэлсэн байна вэ? [1 оноо]
- ДНХ молекулын тодорхой хэсгийг богино хугацаанд олшруулах
 - ДНХ молекулыг хэмжээ болон цэнэгийн ялгаанд суурилан салгах
 - Хоёр өөр эх үүсвэрээс авсан ДНХ молекулыг холбон эсэд оруулах
 - ДНХ молекул дээрх богино палиндром дарааллыг таниж тасдах
 - Дараалал нь мэдэгдэж буй дан гинжит тэмдэгт ДНХ молекулыг ашиглах

43. Энд үзүүлсэн ДНХ молекулын хэсгийг тодорхой цэгүүд дээр эндонуклеазагаар зүсэлт хийн гель электрофорезоор гүйлгэсэн байна.




Үүссэн ДНХ хэсгүүдийг гель дээр хамгийн хол зам туулснаас эхлүүлэн богино зам туулсан дараалалд оруулна уу. [1 оноо]

- 1, 2, 3, 4, 5
 - 5, 4, 3, 2, 1
 - 5, 2, 4, 1, 3
 - 3, 1, 4, 2, 5
 - 3, 1, 5, 4, 2
44. Хүний уургийг нийлэгжүүлэх чадвартай бактерийг бүтээх үйл явцуудыг доор жагсаав.
- Рекомбинант плазмидыг бактерийн эсэд оруулна
 - Сонирхсон хүний уургийн мРНХ-г ялган авна
 - Хүний ДНХ-г плазмидтэй холбон рекомбинант ДНХ бүтээхдээ лигаза энзимийг ашиглана
 - ДНХ-г олшруулахын тулд ДНХ полимераз энзимийг ашиглана
 - Хувиргасан (рекомбинант плазмид бүхий) бактерийг олшруулж хүний уургийг ялган авна
 - Урвуу транскриптаза энзимийг ашиглан интрон дараалалгүй ДНХ үүсгэнэ
 - Плазмид векторыг тасдахдаа рестрикцийн эндонуклеаза энзимийг ашиглана

Эдгээр үйл явцуудыг аль нь зөв дараалалд оруулсан байна вэ? [2 оноо]

- 1 → 5 → 4 → 7 → 3 → 2 → 6
- 1 → 5 → 7 → 4 → 3 → 2 → 6
- 2 → 6 → 4 → 3 → 7 → 1 → 5
- 2 → 6 → 7 → 4 → 3 → 1 → 5
- 2 → 6 → 4 → 7 → 3 → 1 → 5

45. Экосистем дэх идэш тэжээлийн түвшний дагуух энергийн урсгалыг зургаар харуулав.



Аль түвшин нь хамгийн өндөр биомасстай вэ? [1 оноо]


- Тодорхойлох боломжгүй
- IV
- III
- II
- I



46. Маш бага хэмжээний азот л агаараас экосистемд шууд ордог бол ихэнх нь бактериудын тусламжтай орно. Хөрсний нитратыг (NO_3^-) буцаагаад агаарын чөлөөт азот (N_2) болгон хувиргадаг бактерийг хэрхэн нэрлэдэг вэ? [1 оноо]

- А. Денитритжүүлэгч бактери
В. Ялзруулагч бактери
С. Азот фиксацлагч бактери
D. Нитритжүүлэгч бактери
E. Гэдэсний савханцар

47. Зурагт нүүрстөрөгчийн эргэлтийн хялбаршуулсан загварыг харуулав.



Зургаас I, II, III, IV дугаартай үйл явцуудыг зөв тодорхойлсон мөрийг сонгоно уу. [2 оноо]

	I	II	III	IV
A	фотосинтез	шаталт	задрал	амьсгал
B	задрал	амьсгал	шаталт	фотосинтез
C	амьсгал	задрал	шаталт	фотосинтез
D	фотосинтез	задрал	шаталт	амьсгал
E	амьсгал	шаталт	задрал	фотосинтез

48. Сурагч биологийн хичээлээр эзэмшсэн мэдлэгээ ашиглан зуны амралтын хугацаанд хөдөө орон нутагт очиж амрахдаа янз бүрийн амьтдын популяцийн хэмжээг 6, 7, 8-р саруудад тодорхойлов.


Амьтад	Организмын тоо толгой		
	6-р сар	7-р сар	8-р сар
Зурам	275	225	250
Шувуу	95	80	90
Царцаа	1800	4600	4000
Аалз	850	300	550

Сурагчийн 6-8-р сард цуглуулсан өгөгдлөөс зөв дүгнэсэн хариуг сонгоорой. [1 оноо]

- A. Зөвхөн царцааны популяцийн тоо толгой огцом хэлбэлзэж өөрчлөгдсөн
B. Зурам болон шувууны популяцийн тоо толгой харьцангуй тогтвортой байсан
C. Зуны саруудад шувууны популяцийн тоо толгой тасралтгүй нэмэгдсэн
D. Аалзны популяцийн тоо толгой тасралтгүй буурч байсан
E. Царцааны популяцийн тоо толгой харьцангуй тогтвортой байсан



49. Хоёр өөр зүйлийн махан идэштэн ба золиос харилцааны сөрөг эргэх холбооны механизмыг харуулав.



Энэхүү популяцийг хянах сөрөг эргэх холбооны механизмын дутуу орхисон хэсгүүдийг зөв харгалзуулна уу. [2 оноо]

	I	II	III
A	Махчлал буурахад туулайны популяци өснө	Идэш тэжээл хомсдоход шилүүсний популяци буурна	Махчлал нэмэгдэхэд туулайны популяци буурна
B	Махчлал буурахад туулайны популяци өснө	Махчлал нэмэгдэхэд туулайны популяци буурна	Идэш тэжээл хомсдоход шилүүсний популяци буурна
C	Идэш тэжээл хомсдоход шилүүсний популяци буурна	Махчлал буурахад туулайны популяци өснө	Махчлал нэмэгдэхэд туулайны популяци буурна
D	Махчлал нэмэгдэхэд туулайны популяци буурна	Махчлал буурахад туулайны популяци өснө	Идэш тэжээл хомсдоход шилүүсний популяци буурна
E	Махчлал нэмэгдэхэд туулайны популяци буурна	Идэш тэжээл хомсдоход шилүүсний популяци буурна	Махчлал буурахад туулайны популяци өснө

50. Нэгэн томоохон чийглэг ойд их хэмжээний модыг устгасны дараа үзүүлэх нөлөөллийг графикаар харуулав.



Ойгүйжүүлэх (ойг устгах) нь ямар нөлөө үзүүлсэн бэ?

[1 оноо]

- A. Дундаж хур тунадасны хэмжээг ойролцоогоор 50%-аар бууруулсан байна
- B. Дундаж хур тунадасны хэмжээг ойролцоогоор 50%-аар нэмэгдүүлсэн байна
- C. Дундаж хур тунадасны хэмжээг ойролцоогоор 25%-аар бууруулсан байна
- D. Дундаж хур тунадасны хэмжээг ойролцоогоор 25%-аар нэмэгдүүлсэн байна
- E. Дундаж хур тунадасны хэмжээг эхлээд ихэсгэх ба дараа нь тогтвортой бууруулж байна.



ХОЁРДУГААР ХЭСЭГ

САНАМЖ: Хоёрдугаар хэсэг нь 4 даалгавартай нийт 24 оноотой. Даалгавруудын а, b ,c, d гэх мэт үсэгт тохирох 1,2,3,4,5,6,7,8,9,0 цифрүүдээс сонгож, хариултын хуудасны харгалзах нүдийг будаж бөглөнө. Жишээ нь: [cd.e]=21.2 бол c=2, d=1, e=2 гэж харгалзуулна. Цэг таслалын тэмдэгийг үсгээр илэрхийлээгүй болно.

- 2.1.** Биологийн олон янз байдлын Симпсоны индекс (D)-ийг дараах томъёогоор олно. Энэхүү индекс нь 0-1 хооронд хэлбэлзэх ба 1-рүү ойртох тусам тухайн орчны зүйлийн олон янз байдал баялаг, жигд байгааг илтгэнэ.

$$D = 1 - \left(\sum \left(\frac{n}{N} \right)^2 \right)$$

n = Зүйл тус бүрийн организмын тоо

N = Тухайн орчинд тоологдсон бүх зүйлийн нийт организмын тоо

Σ - Нийлбэрийн тэмдэг

Хүснэгтийн өгөгдлийг ашиглан хоёр ялгаатай орчны биологийн олон янз байдлын Симпсоны индекс (D)-ийг тооцоолно уу.


	Хоёр ялгаатай орчны организмуудын тоо	
Тоологдсон зүйл	А орчинд	Б орчинд
1-р зүйл	25	60
2-р зүйл	25	20
3-р зүйл	25	10
4-р зүйл	25	10
Симпсоны индекс (D)	[a.bc]	[d.ef]

- 2.2.** Кребсийн мөчлөгт урвалын төгсгөлд глюкозийн аэроб амьсгалаар үүссэн нийт бүтээгдэхүүнийг хүснэгтээр харуулав. Хүснэгтийн орхигдсон нүдэнд харгалзах бүтээгдэхүүн бодис бүрийн тоог бичнэ үү. [6 оноо]

	Бүтээгдэхүүн бодисууд			
Аэроб амьсгалын шатууд	CO ₂	АТФ	Ангижирсан НАД	Ангижирсан ФАД
Гликолиз	0	2	[c]	0
Холбох урвал (пируват → ацетил-КоА)	[a]	0	2	[e]
Кребсийн мөчлөгт урвал	[b]	2	[d]	[f]
Нийлбэр:	6	4	10	2



2.3. Байгалийн зарим популяци тодорхой генийн хувьд Харди-Вайнбергийн тэнцвэрт байх боловч ихэнх популяцид аллелийн болон генотипийн давтамж тодорхой хугацааны дараа ихэвчлэн өөрчлөгддөг байна. Нэгэн популяцийн тодорхой нэг генийн сангийн өөрчлөлтийг доор зургаар харуулав.



Зурагт үзүүлсэн популяци дахь “А” аллелийн давтамж 0.8, “а” аллелийн давтамж 0.2 байв. Тодорхой хугацаанд X хүчин зүйлийн нөлөөлөлд өртсөний дараа түүний “а” аллелийн давтамж 0.1 болж өөрчлөгдсөн бол тухайн популяци дахь:

- “А” аллелийн давтамж хэд [0.a] болж өөрчлөгдсөн бэ?
- Доминант гомозигот генотип (AA)-тэй организмууд хэдэн [bc] хувиар нэмэгдсэн вэ?
- Гетерозигот генотип (Aa)-тэй организмууд хэдэн [de] хувиар буурсан вэ?
- Рецессив гомозигот генотип (aa)-тэй организмууд хэдэн [f] хувиар буурсан вэ?

2.4. Нэгэн ургамлын цэцгийн өнгөний шинж нь нэг генээр тодорхойлогдох ба генийн бүрэн бус ноёлол ажиглагдана гэж үзэв. Ягаан өнгийн цэцэгтэй хоёр ургамлыг хооронд нь эрлийзжүүлэхэд үр удмын дундах фенотип харьцаа дараах байдлаар гарав;



Энэхүү тохиолдлыг дараах томъёоны дагуу тооцож хи-квадрат (χ^2)-ын утгыг [a.bc] олоорой.

$$\chi^2 = \sum \frac{(O - E)^2}{E}$$

O = Ажиглагдсан утга
E = Хүлээгдсэн утга

Хи квадратын утга нь дангаараа ямар ч утга илэрхийлэхгүй ба түүнийг магадлалын утгатай харьцуулна. Энэ магадлалыг олохын тулд доор өгөгдсөн хи-квадратын тархалтын хүснэгтийн мөрийн дагуу чөлөөний зэргийг харна (чөлөөний зэрэг нь фенотипийн тооноос 1-ийг хассантай тэнцүү). Харин хүснэгтийн баганын дагуу биологичдын ихэвчлэн ашигладаг магадлалын стандарт босго буюу 0.05 (5%)-ыг харна. Ийнхүү, эдгээрийн огтлолцол дээрх хи-квадрат шалгуурын магадлалын утгыг [d.ef] доорхи хүснэгтээс олж бөглөөрэй.

Хи-квадратын тархалтын хүснэгт

Чөлөөний зэрэг (df)	Магадлалын утга				
	0.50	0.10	0.05 (5%)	0.01	0.001
1	0.455	2.71	3.84	6.63	10.83
2	1.386	4.60	5.99	9.21	13.82
3	1.39	6.25	7.81	11.34	16.27

Хэрэв бидний тооцсон χ^2 -ын утга нь харгалзах магадлалын утгаас бага гарвал хүлээгдсэн (E) болон ажиглагдсан утга (O)-ын хооронд статистик ялгаа байхгүй болохыг илэрхийлнэ.

